



Universitätsbibliothek Paderborn

Ōrigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,
doctrina excutitur, scripta recensentur

Origenes

Rothomagi, 1668

Inhaltsverzeichnis

urn:nbn:de:hbz:466:1-25059

L I B E R P R I M V S.

A magis mirandum est ab erudito viro in hunc censum Potamiænam adscribi, Baslide ex-puncto. Quali vero parum credibile sit virum bellicæ rei deditum, cum Origenis fama per-motus esse, accessisse ad eum, & nonnulla rerum Christianarum accepta ab eo notitia, cum Potamiænam ad supplicium pro munere suo deduceret, eam ab improborum hominū pe-tulantia prohibuisse, ab eaque postmodum jam fato functa secundum quietem excitatum, Christi fidem palam fuisse professum. Huc etiam confert Nicephorus Niceph. lib. cap. 20. Alexandrum Euseb. lib. 6. His. c. 19. rofolymitanum Episcopum, & Cæsariensem Theocritum Pincens. Lirin. adu. Her. Com- monitorio 1. cap. 23. s quibus Mammaam quoque adjungere, & memoratum illum ab Eusebio Arabiae Præsidem rationi consentaneum est. Denique *Innumeris*, inquit Vincentius Lirinenis, *ex sinu suo Doctores, innumeri Sacerdotes, Confessores, & Martyres extiterunt.*

B

ORIGENIANORVM
LIBER SECUNDVS.

C

ORIGENIS DOCTRINA.

Libri secundi partitio.

EXPLICATA Origenis vita, institutus ordo postulat ut ad exponentiam ejus doctrinam progrediatur. Id propositum fronte simplex, multiplex sane est in recessu: nam & de eruditione Origenis, & ijs quibus potissimum dum viveret animum in-formavit artibus & studijs, nonnulla præmittenda erunt. Tum dogmata illius suis distincta proponentur capitibus; non ea quidem qua Ecclesia decretis confona univerfa tulerunt suffragia, vel quæ levioris sunt momenti; sed qua majoris in Ecclesia ponderis à communibus & receptis sunt aliena sententijs; eaque præsertim qua Patrum subinde censuris & Anathematis Synodorum vexata sunt. Quibus subiungetur Origeniana doctrinæ, non dicam Apologia; nam neque ausim, neque sane velim; sed accuratum & præjudicij omnibus liberum ac solutum examen. Hinc ad ipsam Dogmatum illorum describendam summatim fortunam accedemus, ut quas excitarint in Ecclesia procellas, quantis partium studiis oppugnata & propugnata sint, palam fiat. Atque ita in capita quatuor Liber iste distri-buitur. I. agitur de eruditione Origenis. II. Dogmata ipsius excutiuntur. III. doctrinæ ejus generale examen continetur. IV. fortuna doctrinæ ejusdem narratur.

C A P V T P R I M V M.

O R I G E N I S E R V D I T I O.

I. *Scripture callentissimus fuit Origenes, II. sed Ebraica lingue parum consultus, Sa-maritana vero penitus ignarus.* III. *Scripture Interpretes, scriptoresque Ecclesiasticos stu-diose legit: IV. Sacre doctrine causa excoluit ταῦτα, Philosophiam præseruit;* V. *sed & reliquas disciplinas.*

I. **P**RIMVM illud ac præcipuum fuit Origenis à teneris pueritiae annis ad obitum usque studium, ad interiorem ac reconditam sacrarum literarum peritiam pene-trare. In quo quidem ita se tractavit ut admirabile esset, nec quisquam deinde tantum in ea exercitatione consecutus sit; sive literam ipsam, quemadmodum vocant, specces, quam totam memoriam ita commendaverat, ut locos omnes ex tempore, etiam li-bris inconsultis, apposite recitaret; sive intimos ac latentes sensus, quos tanta sagacitate eruit, οὐδὲ ἔνειν, inquit Suidas, πάσιν τοὺς μετέπειτα τῆς ἐκπληκτίας οἰδηνάδεις, καὶ αὔρρωμας

d